

07/08/1998

Pengusaha lori sokong pendirian kerajaan

JOHOR BAHRU, Khamis - Persatuan Pengusaha Lori Pan-Malaysia (PMLOA) menyokong pendirian tegas kerajaan berhubung isu Tanjong Pagar yang dibangkitkan oleh Singapura.

Timbalan Presidennya, Er Sui See, berkata Singapura sengaja mencari masalah ketika Malaysia menghadapi kegawatan ekonomi.

"Sebagai rakyat Malaysia, kita menyokong pendirian tegas kerajaan berhubung isu itu.

"Bagaimanapun, Singapura perlu berbuat sesuatu bagi memastikan isu itu tidak berpanjangan," katanya mengulas pendirian tegas Perdana Menteri, Datuk Seri Dr Mahathir Mohamad berhubung isu itu.

Kedegilan Singapura itu tidak menguntungkan sesiapa sebaliknya merugikan diri sendiri.

"Kita berharap isu ini tidak berpanjangan dan pemimpin kedua-dua negara perlu bersemuka untuk mencari penyelesaiannya," katanya.

Sementara itu, beliau berkata, pihaknya tetap meneruskan urusan seperti biasa di Singapura walaupun terpaksa menempuhi keadaan ekonomi yang lembap.

"Singapura yang dulunya terkenal dengan kekuatan ekonomi, kini turut terjejas berikutan keadaan ekonomi serantau," katanya.

(END)